

Aght 5 Feeagh, Eaoch, Paaie, Kitter, Helgi, Bjorn, Erik, Ada

Coolrey: *Cashtal Kitter*

Feeagh: Shoh Cashtal Kitter er mullagh Barrule. Stoamey nagh vel? Keayrt dy row ren Manannan cummal ayns shoh agh.....shen skeeal elley. Vel shiu er ve smooïnaghtyn mychione ny Manninee boght, fo smaght ny drogh earlaghyn? Wahl, geiyrt er coyrlé Maeve ren ad cur shillee er Ada. Dinsh ad jee yn skeeal trimshagh oc. Ren ee geaishtagh roo. Haink shalee jee. Agh quoi t'ee kiarail cooney? Cha nod oo ríeau ve shickyrlésh buitçhyn.....

Coolrey jeh cashtal er cronk chyndaa-feeagh getlagh ersooyl as ta shin goll trooid yn uinnag gys y çhamyr aarlee. Ta Paaie as Eaoch daunlyn gys yn ardan lesh clooid as Meilley eisht roshtyn yn ardan ayns traá son yn arrane as daunse

ARRANE: Lhig da'n seihll çhyndaa mygeayrt

Lhig da'n seihll chyndaa mygeayrt
Lhig da'n seihll chyndaa mygeayrt
Chyndaa mygeayrt

Ta drogh Earley Kitter magh ass y raad
As fodmayd gee as giu nyn saie
Lhig da'n seihll goll bun ry skynn
Jeeagh mygeayrt as gow dty reih

Lhig da'n seihll chyndaa mygeayrt
Lhig da'n seihll chyndaa mygeayrt
Chyndaa mygeayrt

Kitter: Eaoch! C'red t'ou jannoo

Eaoch: Ah, oh, um, Earley Kitter, cre'n aght foddym cooney lhiu?

Kitter: Aarlee lhongey mooar son 4 earlaghyn accryssagh. Lhongey mooar!
Hemmayd ersooyl gys y cholloo. Cheayll mee dy vel ram feeaihee ayns shen! Bee ad ooilley marroo roish feer foddey

Caarjyn Kitter markiagh gys yn ardan

Caarjyn Kitter: Ha, ha- ooilley marroo! Shen kiart!

Kitter: Ah, yindyssagh ta shiu ayn. C'raad va shiuish jea? Ve orrym shelg my lomarcán!

Erik: Va shin ayns Purt ny hÍnshey dy veeiteil rish Ree Olaf.

Kitter: Dar Odin! Yarrood mee shen! Ren eh goaill tasteey nagh row mee ayn?

Björn: Cha row eh boirit.

Kitter: Kiart dy liooar eisht. Gys y cholloo!

Eaoch: lhongey mooar!
Paaie: dy tappee ! Spollagyn?
Eaoch: pronnagyn!
Paaie: arran.
Eaoch: as awree
Paaie: lossreeyn.
Eaoch: as berreen
Paaie: as **Eaoch:** bonnag as feill!
Eaoch: skeddan
Paaie: praaseyn
Eaoch: corkey
Paaie: pannagyn
Eaoch as **Paaie:** yn lhongey mooar 'sy theihll!

ARRANE-Aarlee lhongey mooar
Aarlee lhongey mooar dy tappee
Bee ard-vlastal, lhongey yindyssagh
Aarlee lhongey mooar dy tappee
Jean dy liooar son deinney accryssagh

Spollagyn as pronnagyn
Soo thallooin as bonnagyn
Corkey, eeym as caashey
Jannoo craueyn lajer
arran dhone as skeddan jiarg
foddee bine dy yough ny lurg
Awree cheh as gleihagh feayr
Nagh bee shen yn lhongey mooar?

Aarlee lhongey mooar dy tappee
Bee ard-vlastal, lhongey yindyssagh
Aarlee lhongey mooar dy tappee
Jean dy liooar son deinney accryssagh

*T'ad daunse mygeayrt, cur reddyn'sy phot, giu **jough** as tuittym er chadley 'sy chorneil*

Ada: (filym)

Bee er dty hwoaie Earley Veen
Magh dy helg, dty ghooiney reen
Kitter Kitter Immee thie
C're ta shoh? Jeeagh ny yei!
Ta'n cashtal ayd ayns drogh gaue
Tar dy tappee - bee eh cuirrit mow!